

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2317011195 որոշումն անփոփոխ, իսկ վարչական բողոքն առանց բավարարման թողնելու մասին

<<09>> 10 2023թ.7-13- 10410

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Գրիգոր Կուշախյանի ՄԴ/74385-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Արարատի մարզի Արարատ քաղաքի ՈԿՖ բանավան 4 շենքի 33 բնակարանի բնակիչ Գրիգոր Կուշախյանը դիմումով խնդրել է բեկանել Ճանապարհային ոստիկանության վարչական տույժ նշանակելու մասին թիվ 2317011195 որոշումը՝ նշելով, որ իրավախախտումը կատարել է հիվանդին բժշկական կենտրոն տեղափոխելու ժամանակ:

Դիմումի քննարկման արդյունքում պարզվել է, որ Ճանապարհային ոստիկանության վարչական տույժ նշանակելու մասին թիվ 2317011195 որոշումն ենթակա է կատարման հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Վարչական իրավախախտումների վերաբերյալ ՀՀ օրենսգրքի 251-րդ հոդվածի 1-ին մասի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ: Ըստ նույն հոդվածի 2-րդ մասի՝ այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

Վարչական իրավախախտումների վերաբերյալ ՀՀ օրենսգրքի 17-րդ հոդվածով վարչական պատասխանատվության ենթակա չէ այն անձը, որը թեև սույն օրենսգրքով կամ վարչական իրավախախտումների համար վարչական պատասխանատվություն սահմանող այլ նորմատիվ ակտերով նախատեսված գործողություն է կատարել, սակայն գործել է ծայրահեղ անհրաժեշտության վիճակում, այսինքն՝ մի այնպիսի վտանգ վերացնելու համար,

որը սպառնացել է պետական կամ հասարակական կարգին, սոցիալիստական սեփականությանը, քաղաքացիների իրավունքներին ու ազատություններին, կառավարման սահմանված կարգին, եթե այդ վտանգը տվյալ հանգամանքներում չէր կարելի վերացնել այլ միջոցներով և եթե հասցված վնասը կանխված վնասի համեմատությամբ ավելի նվազ կարևորություն ունի:

<<Էրեբունի բժշկական կենտրոն>> ՓԲԸ-ի կողմից տրված 02.10.2023թ. թիվ 02/06-1586 գրությունը և ընդունարանի գրանցամատյանի համապատասխան էջի լուսապատճենը(գրանցում թիվ 18023) փաստում են, որ 21.08.2023թ. ժամը՝ 19:30-ին <<Էրեբունի բժշկական կենտրոն>> ՓԲԸ է տեղափոխվել՝ Միսակ Գրիգորի Կուշախյանը (16.08.1994թ.ծնված, հասցե՝ Արարատի մարզ, քաղաք Արարատ, ՈԿՖ բանավան, 4 շենք, 33 բնակարան) գննվել է՝ և վերջինս գանգատվել է էպիգաստրալ շրջանի ցավերից, սրտխառնոցից, փսխումից և ախտորոշվել է <<Ալիմենտար խանգարում>>:

<<ՇՏԱՊԲՈՒԺՕԳՆՈՒԹՅՈՒՆ>> ՓԲԸ-ի կողմից տրված շտապ և անհետաձգելի բժշկական կանչի թիվ 202308211858/611 թերթիկի լուսապատճենը փաստում է, որ <<ՇՏԱՊԲՈՒԺՕԳՆՈՒԹՅՈՒՆ>> ՓԲԸ-ի բրիգադը տեղ հասել Արշակունյաց պողոտա <<Գրանդ սպորտ>>-ի դիմաց 21.08.2023թ. ժամը՝ 19:08-ին և Միսակ Կուշախյանի նկատմամբ իրականացվել է անհետաձգելի բժշկական օգնության միջոցառումներ, այնուհետև տեղափոխվել է <<Էրեբունի բժշկական կենտրոն>> ՓԲԸ:

Հիվանդը <<ՇՏԱՊԲՈՒԺՕԳՆՈՒԹՅՈՒՆ>> ՓԲԸ-ի բրիգադի բժիշկների կողմից 21.08.2023թ. ժամը՝ 19:08-ից գտնվել է հսկողության ներքո, իսկ իրավախախտումը կատարվել է ժամը՝ 19:13-ին:

Վարչական իրավախախտումների վերաբերյալ ՀՀ օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Այսպիսով վարչական վարույթի ընթացքում չի հիմնավորվել դիմումատուի կողմից ճանապարհային երթևեկության կանոնի խախտումը ծայրահեղ անհրաժեշտության վիճակում կատարելու հանգամանքը հետևաբար վիճարկվող թիվ 2317011195 որոշումը բեկանման ենթակա չէ:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2317011195 որոշումը թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել Գրիգոր Կուշախյանին:

